

東湖詩鈔 坤

柳田文庫

文庫11

A1243

2

10

15

20

25

30



文庫11  
A1243  
2

柳田泉文庫

東湖詩鈔下

水戶 藤田彪彬卿著

乙巳重陽

塵世何唯一笑難重陽風物盡悲酸幽囚既負黃  
花好明鏡空驚白髮寒落日影中孤鴈叫暮鐘聲  
裡九秋闌不知幾處高臺上却作良辰美景看

謫居值重陽次韻冢生

客袍秋冷荻蘆鄉菜色何堪歲又荒佳節登臨非

東湖詩鈔下

二



夏清言金  
我事猶銜琥珀滿盃光。

九月十三夜書感

七秩身生強半過。三秋感慨十分多。良辰夜色爲誰霽。孤客鬢邊空自皤。心事拋來唯麴蘖。世途看取盡風波。何時歸去常陽宅。月下飛觴發浩歌。

季秋望弄月得城字

東山喜見玉蟾生。雲霽秋天萬里明。羸氏不知夜光趣。漫將一壁擬連城。

黃塵無地容狂生。冥冥寒邨對月明。何術長江化

美酒淋漓百榼澆。愁城

悲風哀鴈喚愁生。遷謫再看秋月明。倘有廣寒知客恨。歸心亦照水陽城。

至日

驚破匆匆歲月催。幽囚再見一陽來。門墻鎖鑰雖嚴矣。詩酒優游亦樂哉。黛色鬱蒼雪中柏。奇香馥郁澗邊梅。腐儒不解生生意。漫把虛無說地雷。

魚膾

魚膾適吾口。匹似天下無。得魚便斫膾。何必張翰



鱸聯翩盛磁盃光彩映寒厨不忍徒咀噉先傾白  
玉壺拈腸澆清液短箸拾明珠一盃又一盞宿病  
頓欲蘇願彼富貴子嗜好亦相異終朝煮鼎肉和  
以厚酒醺調理極甘美施施誇妻孥彼哉爛熟物  
不屬高陽徒

和文天祥正氣歌 有序

彪年八九歲受文天祥正氣歌於先君子先君  
子每誦之引盃擊節慷慨奮發談說正氣之所  
以塞乎天地必推本之於忠孝大節然後止距

今三十餘年凡古詩雜文少時所誦十忘七八  
至於天祥歌則歷歷暗記不遺一字而先君子  
言容宛然猶在心目彪性善病去歲從公駕  
而來也方患感冒力疾上途及公獲罪彪亦  
就禁錮風窻雨室濕邪交侵菲衣疏食飢寒並  
至其辛楚艱苦常人所難堪而宿病頓愈體氣  
頗佳睥睨宇宙叨與古人相期者蓋資於天祥  
歌爲多夫天祥值宗社之傾覆身囚於胡虜實  
臣子之至變若彪被幽則殊一時之奇禍其事



與跡皆大不同。然古人有云：死生亦大矣。今彪之困阨，既已如此，而人猶或不以慊意，曰：何不遂賜死？曰：何不早自殺？彪之所以出入於死生間，亦復若此。而頑乎不變，自信愈厚者，未嘗不與天祥同也。嗚乎！彪之生死，固不足道。至於公之進退，則正氣之屈伸。神州之污隆，繫焉。豈可勝慨哉！天祥曰：浩然者，天地之正氣也。彪廣其說曰：正氣者，道義之所積，忠孝之所發。然彼所謂正氣者，秦漢唐宋變易不一。我所謂正

氣者，亘萬世而不變者也。極天地而不易者也。

因誦天祥歌，又和之以自歌。歌曰：

天地正大氣，粹然鍾神州。秀為不二嶽，巍巍聳千秋。注為大瀛水，洋洋環八洲。發為萬朵櫻，衆芳難與儔。凝為百鍊鐵，銳利可割鋸。蓋臣皆熊羆，武夫盡好仇。神州孰君臨，萬古仰天皇。皇風洽六合，明德侔大陽。不世無污隆，正氣時放光。乃叅大連議，侃侃排瞿曇。乃助明主斷，燄燄焚伽藍。中郎嘗用之，宗社磐石安。清允嘗用之，妖僧



肝膽寒。忽揮龍口。劍虜使頭足分。忽起西海。颯怒  
 濤殲胡氛。志賀月明夜。陽為鳳輦。巡芳野。戰酣  
 日又代。帝子屯。或投鎌倉窟。憂憤正。憤憤。或伴  
 櫻井驛。遺訓何殷勤。或守伏見城。一身當萬軍。或  
 殉天目山。幽囚不忘君。承平二百歲。斯氣常獲伸。  
 然當其鬱屈。生四十七人。乃知人雖亡。英靈未嘗  
 泯。長在天地間。凜然敘彝倫。孰能扶持之。卓立東  
 海濱。忠誠尊皇室。孝敬事天神。修文兼奮武。誓  
 欲清胡塵。一朝天步艱。邦君身先淪。頑鈍不知

機。罪戾及孤臣。孤臣困葛藟。君寃向誰陳。孤子  
 遠墳墓。何以報先親。在丹二周星。獨有斯氣隨。嗟  
 予雖萬死。豈忍與汝離。屈伸付天地。生死又何疑。  
 生當雪君寃。復見張四維。死為忠義鬼。極天護  
 皇基。

拜鹿島祠

常陸之東。武雷神。威靈赫赫。幾千春。維昔鴻荒草  
 昧日。天祖御天地。新光華。照徹六合外。螢  
 火蠅聲。猶相因。斯神方奉勦討。詔勇武。當時稱



絕倫意氣慷慨辭。天闕撻伐一舉掃妖氛。名高皇州開國勲。任重天孫佐命臣。不知禋祀在何日。巍然屹立鹿嶋濱。山占靈地鎮東海。宮懸明鏡對北辰。須知祖宗典神天。孝敬何敢殄祀禋。那圖一朝西風腥。蕃舩忽載胡鬼臻。祭政岐別天人隔。滌祠妖教往往綦。悠悠世態雖萬變。明神正氣豈遂淪。餘靈時時出人傑。皇風或自常陸振。前有中郎後梅里。英光共稱絕代珍。時運不免泰又否。功業從來有屈伸。誰知千古無窮感。如今還

在布衣人。

鹿島宮廟正北向。又相傳大職冠藤公。生於此地。其說見於大鏡。不啻土人傳

說也。故詩中云爾。

此余已丑歲拜鹿島祠作也。時維暮春。與杉復堂遵海詣祠。慨然想像明神之威稜。復堂立賦絕句。余苦吟不成。至逆旅始得此篇。遂買舟抵潮來。篁村茶村兄弟在焉。喜而延於堂。把盃罄歡。篁村有才辨。議論如湧。茶村沈默。言則中肯。繁將別。茶村從隨。二人大喜。相伴解纜。詣香取息栖。欲直抵鉤子港。為風所阻而止。時復堂未



盈壯。余方二十有四。意氣俱盛。跋涉山壑。覽觀湖海。痛飲浩歌。睥睨宇內。亦一時壯遊也。今茲夏夜。余偶夢詣鹿島。愉快特甚。少焉忽覺。令人恍然。因憶舊遊。殆將二十年。篁邨墓木已拱。復堂亦入鬼籙。唯余與茶村猶在人間。而茶村方繫獄。余久囚於他鄉。嗚乎。好生惡死。人之常情。而人事至此。生者未必哀。死者蓋亦不甚羨生者也。感慨之餘。欲誦此詩。既忘數句。反覆沈思。乃得全篇。顧語澁意淺。不足以傳世。但讀之。覺當時氣岸。既有足取。今日之禍者。乃錄一通。且書其後。以泄感云。

病中書懷呈松代侯執事有序

數年前。彪嘗過平山。銳二談偶及。當世諸侯。銳二曰。承平日久。况若富貴之人。所謂生於深宮之中。長於婦人之手者。往往皆是以僕所聞。獨松代侯好文尚武。愛賢下士。一世之賢君也。後二三年。訪川路彌吉。彌吉謂彪曰。聞子之君勵精圖治。國事一新。不知所交何如人。彪未對。彌



吉日。蓋與松代城主交。以某所視三百諸侯。未有松代之賢過者。以子之君之明。交於松代之賢。其切磋之益。想不亦多乎。彪於是始以銳二之說。爲不妄。心竊想望執事之風采矣。亡幾國老山野邊義觀。獲辱交於執事。彪因以聞執事。言行之大畧。愈益欽慕。日夜庶幾不負彌吉之言也。天不愆良緣。今茲十月之朔。寡君始與執事晤言於柳管。既而執事來敝邸。又與寡君談論於一室。彪不敏。何幸叨侍末席。不啻拜雄偉

之高姿。併聽跌宕之卓論。年來志願一朝忽伸。彪之喜於是可。知也。頃者奉約上堂。執事憐彪朴野。假以殊禮。不備邊幅。以彪愚戇。寧敢不感佩。爾來欲拜趨謝。辱更吐露肝膽。以盡生平之懷。適患麻疹。不可日夕上堂。迺賦七言古風一篇。聊摭鄙懷。敢呈左右。然彪之立志。常謂寧爲武愚。不流於文弱。以故詞章極拙。固不足以供大方之觀。執事苟捨其文。而取其情。則幸甚。承平二百有餘年。纖塵不動。東海天共仰。祖宗



德澤遠也知。廟堂威靈宣。君不見公侯茅宅長  
夜宴。劍菱瀧水斗十千。蠻夷奇品坐間列。山海珍  
羞厨下連。夜深銀燭光赫灼。興闌舞衣影踟躕。又  
不見富貴公子青年樂。轎舉追隨紫陌煙。紅粉青  
蛾換驥馬。鯨鬚竹匕便龍泉。開花之晨明月夕。紅  
氈画舫照山川。唯道明時無憂患。歌吹海中歲月  
遷。天下未嘗無英傑。間氣還泄信陽邊。旣聞恭儉  
能治國。又見折節下仁賢。維昔甲越爭雄地。如今  
城壘金湯堅。地利入和兵亦足。英雄遺風豈偶然。

襲封臨民十餘歲。定知文教武備全。忠誠肯忘奉  
幕府。况復派脈有所傳。歲時謁見不敢懈。邛古  
南郭蓮池前。回首一世無佳伴。推窗咲對芙蓉巖。  
芙蓉與君似競秀。映日帶雪呈嬋娟。嗟我常陸雖  
褊小。近來國事亦少俊。勵精圖治旣七歲。日夕惕  
若又乾乾。常望切磋交賢豪。邂逅相遇良因緣。小  
室晤言夜繼日。詠歌唱和情好專。小臣歡喜不自  
禁。宿痾一朝頓欲痊。竊祝干城藩翰任。遮莫舉世  
醉管絃。聞說君新鑄十二支砲。連發何不驚破長



夜眠

右呈松代侯詩。天保丙申之冬所作。余力疾把筆呈之於侯。侯使其侍鑿澁谷秀軒來問疾。且以信濃所產蓑衣見惠。副以和歌一章。侯之待人其真率而渾厚者如此。乙巳秋日。將晒衣物。獲斯詩於反故紙中。余此行以扈從。公駕不齎一冊子。忽被禁錮。恒苦無書。而斯詩偶託於行李。抑亦奇矣。然點竄塗抹。殆不可讀。廼寫一通。以備遺忘。因憶當時風俗衰敝。識者慨之。松

代侯之抵礫川邸也。我老公特命彪及川瀨教德侍宴。其談論出入和漢。上下古今。而至於天下之勢。則未嘗不付諸浩歎也。居數年。幕府斷然黜陟。二三大臣於是侯出當宰輔之任。有志之士亦往往拔擢。姑以彪所交數之。岡本江州。矢部駿州。川路左衛門。羽倉外記。江川太郎左。林鐵藏。平山銳二之倫。或以材能任要路。或以武技蒙寵榮。佞臣屏跡。俗吏破膽。翕然有中興之勢。老公方在藩。聞之大喜。益竭心於



國政其於天下大事蓋聞有所建白焉無幾矢部被罪幽死岡本奉身自退松代侯移病不出羽倉奪職家居其他諸子亦漠然不得意而老公則有去年五月之禍今距丙申僅十一季耳其間世道之隆替人事之聚散可喜可驚忽抵掌揚眉忽切齒扼腕者不知其凡幾何而要之稱快之時甚少而痛心之日恒多嗚乎宇宙三千載尚且然何況區區十年間耶乙巳七月晦蹇齋居士識

聞

恩命錄矢部駿州之後喜而不寐賦七言古風八十韻以代祭文

憶昔南郭相逢時一見如故肝膽披劇談未半日易落巨燭見跋夜忘歸聞說使君少年日俠名早已都下馳都下紀綱時不肅博徒橫行盈街達巨魁潛託貴人第官吏畏禍不敢治使君新受追捕命陰謀秘計應機施迅雷誰能暇掩耳狡賊就捕日纍纍一朝擢爲堺浦尹父老歡欣待路岐吁嗟



令郎何太長。駿州之先子亦嘗爲塢浦尹時刮目  
駿州尚總角從先子在任云共恨發令遲。時有甲乙兄弟獄。積年不決。至今茲。使君下輿直推問。僚吏聞之竊相嗤。甲曰某父唯一子。鄉黨隣里所熟知。可憎彼漢稱某弟。強顏巧辭欲貪賫。乙曰某母本倡妓。某係先人遺腹兒。親戚皆嫌所生賤。母子放逐久流離。甲乙堅執共不屈。官廳幾年信且疑。使君明智既洞察。欲諭甲乙涕先垂。曰我不幸無昆弟。單身孤獨有誰視。每見他人華萼盛。徒顧形影羨且悲。父子從來同一氣。

兄弟自古比連枝。今汝甲乙豈匪人。罵弟譏兄事太奇。縱令博愛無及物。寧忍相逢不忸怩。愧我無德。化汝輩汝慎聽我唱歌詞。歌詞藹然聲悽愴。滿腔至誠感駭癡。甲乙叩頭稱兄弟。相抱悲歡泣。前墀使君聲名愈赫赫。旄戟遂向浪華移。浪華商賈多豪猾。風俗自有豐公遺。老吏平八尤沈鷲。崛強動不從。指麾使君撫治得其道。政蹟于今傳口碑。昊天不吊降災害。丙申丁酉歲荐饑。老者轉罄壯者去。空見飢鳥啄人屍。使君遂遷司農職。征旆未



歸民相嬉。當時爭施賑恤。策使君獨禁穀價。徒幾  
萬赤子。漸蘇息。恰似篤疾。遭良醫。誰知君歸未數  
月。平八構難驚。王畿稱湯。稱武迹。雖迂因時乘  
勢。事頗危。天意既見。災害熄。國威又聞。兇賊夷。盛  
名之下。難久處。閑廢優游。殆再暮。忽逢辛丑。百廢  
興。貢公彈冠。事不違。幡然起。拜市尹。命滿城奸商  
悚然。怪巫祝。焉得唱左道。俳優不許演。淫戲風化  
速。於置郵。命都城百里。不敢欺。無奈峭直。世所忌。  
朱門先達多詭詭。人生孰能無細過。何堪吹毛求。

其疵。文網繁密。無由逃。一片孤忠。好訴誰。寧赴湘  
流。葬魚腹。敢爲楚囚。老天涯。餓死終同亞父憤。英  
魂漂泊。去何之。茅宅爲墟。妻孥散。九原何人送君。  
輒時。余方在東湖。宅聞之。泣血空漣。而蜀魂啼破。  
三更夢。剪燭嘗。裁哭君詩。嗚乎。使君已徂矣。寧識  
余亦遭百罹。何啻一身濱萬死。忍聞邦君困蒞  
藜。可以死。可以無死。中心如噎。鬢成絲。瓢尊無復  
故人與。簞食時。見飢鼠。窺雪堂。難營菽子坡。菊花久  
負陶家籬。零丁困厄。涉寒暑。正氣竊與文山期。衆



東坡詩集  
謗矣異沈舟。羽寸心誰憐。向陽葵。陰陽消長自有  
數。日月未必無盈虧。區區禍福何足怪。百年世事  
一變棋。堪笑悠悠輕薄子。終身諾諾又唯唯。暗夜  
乞哀驕白日。金鞭銀鞍白馬騎。獨有奇偉倜儻士。  
卓落不受利名羈。嚶嚶夙慕管葛業。慨然誓欲張  
四維。左支右吾志。木遂群小側。日怒且訾。假使萋  
斐成貝錦。何圖煮豆燒豆萁。天道是非果何如。坐  
使犬羊窺邊陲。一念及此腸欲裂。雙袖只見淚淋漓。  
滴。忽聞特命錄君後。孤子新浴恩露滋。聞之欣

然不能寐。此心豈出交情私。嗚乎君沒四周歲。猶  
記俊偉卓絕姿。不幸顛躓君勿怨。君名豈同草木萎。  
人間自在公議在。况復明時惠風吹。須知天定勝  
羣小。後嗣日有福祿隨。廟堂更能推斯意。何患大  
厦難扶持。直須城社驅狐鼠。一舉挽回大運衰。又  
應滄溟戮鯨鯢。永保宗社磐石基。倘決壅蔽振士  
氣。囊中豈無穎脫錐。使君有知應冷笑。謫客扼腕  
欲何爲。一篇詞盡情未盡。危坐臨風薦斯厄。

附 哭矢部駿州



去歲辛丑。余以公事抵江戶。一日訪川路左  
衛門尉。談及當世人物。川路曰。子識矢部駿  
州乎。余曰未也。其人如何。川路曰。智謀有餘。  
決斷如流。非韓淮陰之流。則寇萊州之徒也。  
余遂因川路與矢部相見。傾蓋如故。得其平  
生大畧。今茲壬寅之夏。聞其獲罪。除藉禁錮。  
於某侯之邑。竟不食而死。感涕賦詩。

省目秀明神彩全。飛談雄辨孰爭先。雖非廊廟  
棟梁器。豈讓都城方面權。空見亞父縱理驗難

期安國死灰然。祖宗倘有威靈在。不使冤魂

淪九泉。

丙午

早春臥病

顛沛困重險。間關詣萬辛。迎春猶作客。臥病倍思  
親。髣髴年年白。飄箠日日貧。此中何所得。稍異醉  
生人。

客腸有命。徒隣人忠介。於他舍。令監察下吏  
更番居焉。禁錮益嚴。



既以吾生付彼蒼蒼天底事，存降殃前身無是神。  
農否萬苦千辛日日嘗。

秋日小梅邸樓上

高樓臨水水連空，駿嶽常山指顧中。誰識疎簾半  
垂處，三秋風物老英雄。

詠古雜詩二十首

陰陽生日月，赫然六合明。天神造化功，蕩蕩

豈得名劍鏡萬古耀。皇統綿旒榮，茫茫普天

下，孰不仰神京。其一

夢寐獲寶劍，一舉平中原。畝傍皇都定，禮祀

謝神恩。物部直殿內，久米衛官門。敬神與奮武，

確乎舊典存。其二

肇國經綸志，遷都磯城邊。敬神疾疫熄，黎庶樂豐  
年。乃命四道將，威令寰區宣。忽聞海外貢，遠自任

那傳。其三

兵甲充神庫，稻梁實屯倉。養我父與母，一意事

天皇。皇綱賴以立，寶祚無有疆。大道

何明了，不必羨虞唐。其四



東海言金  
偉哉倭建命。報國不辭難。手提八尋矛。捷伐取其  
殘。熊蝦不敢抗。

宸襟賴以寬。請看草薙劍。神

光萬古寒。其五

齋戒奉神教。萬里征韓時。大魚夾龍舩。怒潮送

皇師。虜酋懾且服。到處悉平夷。國威一何熾。請

看韓人池。其六

風俗淳且美。四海仰至治。天皇不自足。海外

徵吉師。欲廣固有道。文物可以資。當年重國體。

斯道未曾岐。其七

翁兄讓。天位謫然禮讓淳。慈愛及麋鹿。况復

王畿民。三載免課役。四海服其仁。誰知聖帝

德。淵源在魯論。其八

姦臣服胡教。天闕致蕃神。中物世紹志。慷慨

獨自振。胡教果何益。綱常漸汨淪。蘇我禍可徵。噫

余不忍陳。其九

權臣是禍毒。跋扈亂彝倫。天篤生鎌子。智畧稱絕

倫。慨然殫姦兇。皇綱復一新。遺像塔峯上。功

烈映千春。其十



大權歸外戚

皇綱漸不振欲收攝關柄拔擢

翰林臣萋斐身難處漂淪西海濱空有重陽篇孤

忠泣鬼神其十一

文物頗擬唐威武日以沮歌詞釀淫風公卿學婦

女劍佩既去身不復知軍旅勿怵武人驕驕傲固

其所其十三

諸滕漸凋衰平氏亦不久蛭島養姦雄兵馬歸其

手爾來控御權非復九重有孰為霸府謀老黥有

江叟其十三

斷然斬胡使威令四海宜璽裘十餘萬覆沒幾人

還廟堂憂慮遠霸府策名全天人元一體烈風

非偶然其十四

陪臣執國命

天皇憤蒙塵奸兇忽就戮

皇風一朝振悲哉中興業寸進又尺退遺恨按劍

詔千載泣神人其十五

我慕楠天子雄畧古今無誓建回天業感激忘其

軀廟堂遂無筭乾坤忠義孤空留一片氣凜凜

不可誣其十六



室町霸業衰。中原亂如麻。州郡任割據。山河戰場  
多。區區貪土壤。爭得止干戈。休說甲與越。勝敗果  
若何。其十七

猿面眼閃閃。叱咤捲雲塵。雄心決六合。絕海遣萬  
軍。雞林為震動。八道亂紛紛。勿徒譏驕貪。餘威尚

殷殷。其十八

大義翊

皇室偉畧御群雄。參河如雲士。廉耻

自成風。至德天人服。四海屬大同。悠悠二百載。德

輝照海東。其十九

天欲振斯文。生我西山君。彰考正史就。尊攘大

義伸。亂賊以寒膽。隱然叙藝倫。英靈今尚在。愚臣

復何陳。其二十

東湖詩鈔下

48-13571



24000  
L1070

010190526408

東洋詩錄



